

Transkription von Urkunde HST 1316a

Ort, Datierung: Stralsund, 1316-01-06

Signatur: Stadtarchiv Hansestadt Stralsund, StU 0127 [\[online\]](#)

Inhalt: Stoyzlaf van Pudbutzk: Friedensbündnis

In godes namen amen. Wye¹ vn(de) alle vnse erfnamen de nv sint vn(de) noch tokomende sint vn(de) alle inwon(er)e / des meynen landes to ruyen . bekennen vn(de) dñ witlic allesweme in desen openen breuen . dat wye mit wiser vordacht vns eweliken hebben verbunden mit den / crafteghen . raatma(n)nen old(er)ma(n)nen vn(de) mit den ghemeynen borgheren vn(de) mit allen eren erfnamen de nv sint in d(er) stat to dem stralessunde vn(d) noch komen scholen / vn(d) mit allen inwoneren d(er) seluen stat . by en eweliken to bliuende erer nymm(er)mer af togande in al eren noden vn(d) saken geweht to bliuende by alledeme rechte / als id van oldinghes heft ghewesen in d(er) stat vn(d) in deme lande to ruyen . vppe dat desse dink ewich vn(d) stede bliuen . so hebbe wye desse hantuestinghe bese=/ghelet mit vnsen ingheseghelen . desse breue sint ghe gheuen in d(er) stat to deme st(ra)lessunde in dem iare na godes boorth dusent iar drehundert iar in deme sesteynden / iare to twelften daghe

¹ Es folgen ca. 14 Zeilen Personennamen, Ritter des rügenschens Landadels